

醫家四要

一



安陸劉賓臣觀察  
三衢雷少逸先生鑒定

# 醫家四要

鍼訣入門 痘機約論  
方譜別類 藥賦新編 無錫日升山房藏板



序

凡業之精。必有可傳。凡業之傳。必有其要。弄之弓。和之矢。共鼓化弧之舟車。父以是詔其子。子以是承之。父師以是授其弟。弟以是受之。師皆不離乎近是也。雷君少逸。以醫世其學。其尊人逸仙先生方案遺稿。及少逸時病論。余旣已序而行之。茲又得其門下士程生錦雯江生抱一與少逸喆嗣福亭共纂医家四要一編。卽脈訣病機湯方藥性四類。蓋各掇少逸。

平日選讀之書別類分門括歌彙賦以共成是編也。其中去泛刪繁辭明義顯便於記誦極易入門誠爲医家至要至約之訣學者得能叅透其理則臨證頭是道矣夫人不患擇之不精特庶守之不約不約而能精古未之有是也医之爲道始於炎帝軒岐繼之越人長沙世以衍其端緒而一燈之傳至今不若然淺近者旣囿於見聞無以窺其奧窔而語高深者又迷謎故艱其門徑澀其句讀以自矜爲不傳之秘



於是医之說愈繁。医之途愈雜。充其弊。且不至以病  
試藥。不止草菅人命。詭誤蒼生。古今一轍。曷可勝歎。  
今少逸父子祖孫。一家淵源。其於脈病方藥四者。既  
皆有以別其流派。得其要領。投之所向。無不如意。而  
其門下士。亦類能繼守師說。擇精語詳。共述斯編。相  
與以有成。吾知他日因流溯源。必有開卷瞭然如親  
見其父子師生講授一堂。而欽遲不已者。則是編之  
出也。直不啻昔人之所謂精騎三千。其循以治病。直

如高屋建瓴。筋節既得所當無不立解耳。其於壽身  
壽世也。何難之有。余故亟爲之序以行。

光緒十年歲次甲申季夏中浣知衢州府事楚北安  
州劉國光賓臣氏撰



凡例

第一卷

一是書首論脈訣，凡臨證必先診脈。若平日不熟，冒於指下，焉能察其表裏寒熱之病，而投汗下溫涼之劑？更附十二經絡內景部位、五運六氣、萬金一統等說，此皆從諸書選摘最淺最明之訓，蓋欲學者入門易易耳。

第二卷

一脈訣既識、即當熟悉病機、諸家之書繁而難記、  
惟古傳七十二論、最爲簡約、第其中尚有欠妥之  
處、今遵其條目、而刪補之、皆係先賢名論、不敢以  
臆說混入、所有傷寒婦科、仍載於內、雖未精詳、亦  
可略知大約。

### 第三卷

一病機既明、當知丸散湯方、訥菴湯歌、未嘗不善、  
但其門類過簡、今選時用諸方、分門別類、計四十

篇載明某方治某病括爲長歌便於記誦或遇合韻之處仍緣訛菴原句後附君臣佐使配藥七十劑治病及用水煎法使學者瞭於指掌得能玩熟則臨證自無束手之虞

## 第四卷

一古人湯散有用二三味或用十數味務宜臨症減增藥性必須熟讀薦仿八垣寒熱溫平之賦新編四篇較多一百餘品凡用藥有炮製之法又有

相須同類皆不可不知所以每品之下一一載明  
更載草木金石各部以備參考至於藥性大意并  
相反相畏之歌皆遵古本附錄於後

醫家四要卷之一目錄

脈訣入門

脈之名義

診脈大法

診脈三要

候臟腑部位總括

二十八脈總括

二十八脈主病

五臟平脈

五臟病脈

五臟死脈

五臟真脈

脈決死期

六經脈象



南京中醫藥大學  
南京中醫藥大學圖書館版權所有

營衛脈象

脈分四時

脈分四方

男女異脈

老少異脈

脈有常變

人迎氣口

脈察六字

反關脈

病危當候足脈

九候雖調肌肉大脫不治

不治脈症

脈無根有兩說

宜忌賦

死脈歌



南京中医药大学图书馆版权所有  
南京中医药大学 1951

三部九候

奇經八脈論

奇經八脈應診

經絡說

十二經動脈

十二經氣血流注歌

十二經氣血多少歌

諸穴起止歌

宗營衛三氣解

內景真傳說

周身部位名目

望色

辨舌

聞聲

問證

南政北政脈不應病

五運六氣大綱

司天用藥

在泉用藥

婦科脈法

兒科診法

附萬金一統述



南京中醫藥大學圖書館版權所有  
1951

# 醫家四要卷之一

三衢江 誠抱一甫

新安程 曜錦雯甫全纂

三衢雷大震福亨甫

## 脈訣入門

### 脈之名義

內經曰上焦開發宣五穀味熏膚充身澤毛若霧露之溉是謂氣中焦受氣取汁變化而赤是謂血壅遏營氣令無所避是謂脈夫脈者氣血之先也非氣非

血，主宰乎氣血之神，所以行氣行血者也。故脈貴有  
神。人稟陰陽五行之氣以生，手三陽三陰足三陽三  
陰，十二經脈環絡一身，往來流通無少間斷，應於兩  
手六部，此脈之部位，學者所當先知也。

### 診脈大法

經云：診法常以平旦，陰氣未動，陽氣未散，飲食未進，  
經脈未盛，絡脈調匀，氣血未亂，故乃可診有過之脈。  
凡診先以三指齊按，所以察其大綱，如陰陽表裏上

下來去長短溢脈覆脈之類是也後以逐指單按所  
以察其部分每部下指先定經脈時脈以審胃氣分  
表裏寒熱虛實辨氣分血分陰陽盛衰臟腑所屬浮  
候中候沉候以消息之斷病何部異於衆脈便屬此  
部有病候其盛衰之極者以決之在上上病在下下  
病左曰左病右曰右病

### 診脈三要

滑伯仁曰診脈之要有三一曰舉二曰按三曰尋輕